



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ამბარცუმიანი ვიქტორ ამაზასპის ძე



ვ. ამბარცუმიანი

ამბარცუმიანი ვიქტორ ამაზასპის ძე [დ. 5 (18). IX. 1908, თბილისი], სომეხი ასტროფიზიკოსი. რუსეთის მეცნ. აკად. აკადემიკოსი (1953; წ.-კორ. 1939), სომხ. მეცნ. აკად. აკადემიკოსი (1943) და პრეზიდენტი (1947-93; 1993-იდან – საპატიო პრეზიდენტი), საქართვე. მეცნ. აკად. საპატიო აკადემიკოსი (1979), საქართვე. მეცნ. დამს. მოღვაწე (1968).

ა-ის გამოკვლევები შეეხება ვარსკვლავთა დინამიკას, თეორ. ასტროფიზიკას, ჩვენი გალაქტიკისა და გარეგალაქტიკების ასტრონ. პრობლემებს. გამოიკვლია (შ. გორდელაძესთან ერთად), რომ სინათლის ვარსკვლავთშორისი შთანთქმა გამონვეულია ცალკეული ბნელი ნისლეულებით, რ-თა ზოგიერთი მახასიათებელი თვითონვე განსაზღვრა; აღმოაჩინა გალაქტიკაში ახ. ტიპის ვარსკვლავთა სისტემები - ვარსკვლავთა ასოციაციები და სხვ. ბიურაკანის (სომხეთი) ასტროფიზ. ობსერვ. დამაარსებელი და მისი დირექტორი (1946-88).

1961-64 საერთაშ. ასტრონ. კავშირის პრეზიდენტი. უცხოეთის მრავალი მეცნ. აკადემიისა და სამეცნ. საზ-ბის წევრი, სსრკ სახელმწ. პრემიის ლაურეატი (1946, 1950). თბილ. საპატიო მოქალაქე (1982), სსრკ III-IX მოწვევების უმაღლესი საბჭოს დეპუტატი. ორგზის სოციალ. შრომის გმირი (1968, 1978).

მიღებული აქვს სახელმწ. ჯილდოები.

თბ.: Научные труды, т. 1 - 2, Ер., 1960.

ლიტ.: Т е в з а д з е Г. А., Виктор Амбарцумян, Тб., 1987.
